


3

ՄԱՆԿԱԿԱՆ  
ԳՐԱԴԱՐԱՆ



*Բաժնի*

891-995  
P-35

ԹԻԻ 18

ՏԷՐ ԹՕԴԻԿԻ  
ԴՊՐՈՑԸ

156  
10



891-995  
P-35

Հայաստանի Դեմոկրատիկական Հանրապետության  
ՄԱՍԻՍ

# „MASIS“

SOCIETATE ANONIMA DE EDITURA

CAPITAL SOCIAL LEI 500.000

SEDIUL — BUCUREȘTI — B-dul MARIA No. 8 Etaj II

«ՄԱՍԻՍ» Ռ-ՀԱՅ ՀՐԱՏ. ԱՆԱՆ. ԸՆԿԵՐՈՒԹԻՒՆ  
ՄԱՆԿԱԿԱՆ ԳՐԱԴԱՐԱՆ ԹԻԻ 18

## ԾՆՈՂՆԵՐՈՒ ԵՒ ԳՈՐԾԱԿԱԼՆԵՐՈՒ ՈՒՇԱԴՐՈՒԹԵԱՆ.

«ՄԱՆԿԱԿԱՆ ԳՐԱԴԱՐԱՆ» ը լրացուց իր Ա. վեցամսեան, յոյս տեսած են 12 հասոր գրքեր 24 պատկերազարդով, 400 էջերու մէջ, ընտիր բուրգի վրայ եւ պատկերազարդ: Գինը խիստ ատան նշանակուած է, ամէն ընտանիքի մասշտիպ դարձնելու ցանկութեամբ:

Կը խնդրուի փակել առաջին վեցամսեայի հաշիւները ղրկելով փոխաւժէք:

ԲԱՑՈՒՍԾ Է ԵՐԿՐՈՐԴ ՎԵՑԱՄՍԵՍՅԻ ԲՍԺԱՆՈՐԴԱ ԳՐՈՒԹԻՒՆԸ:

Պայմաններ՝

- Ռումանիոյ համար Լէյ 110.—
- Պուլկարիոյ համար Լէվա 80.—
- Ֆրանսայի համար Ֆր. Ֆր. 15.—

Գործակալներու համար մասնաւոր գեղջ

ՐԱՅՅԻ

## ՏԷՐ ԹՕԴԻԿԻ ԴՊՐՈՑԸ

## «ՄԱՍԻՍ» ԿԸ ՆՈՒԻՐԵՆ



### ՊՈՒՔՐԷՇԷՆ

Պ. Յ. Յակոբեան — 1 տարուան, Պ. Նազար Նազարեանի՝ (Մէճիտիէ):

Պ. Սուրէն Ազամեան » » Օր. Եփրաքս Տէր Յակոբեանի (Պուքրէշ):

ՈՄՆ — 1 տարուան, Պ. Ա. Կիւրիսեանի՝ (Աթէնք):

Տպարան «Ասորիա» Ե. Սարգսեանի  
Բիքսը Լուփան 14 1955

24 JUL 2013

13441



## ՏԷՐ ԹՕԴԻԿԻ ԴՊՐՈՑԸ

Մայրս, իմ պզտիկ տարիքիս, շատ փափաք ունէր որ ես գրել կարգալ սորվիմ և «մեծ մարդ» ըլլամ:

Տասը տարեկան էի, երբ օր մը մեր գիւղի քահանային քով տարաւ զիս: Սյդ օրը հոգեգալուստի տօնն էր: — «Հոգեգալուստը լաւ օր է, ըսաւ մայրը, եթէ տղաս այդ օրը վարժատուն մտնէ, շատ բան կը սորվի, որովհետեւ Հոգին Սուրբ այդ օրը Գրիստոսի առաքեալներուն լեզուն բացաւ...»

Ես մինչև այսօր ալ չեմ մոռցած այն խօսքերը որ մայրս ինձի վարժապետիս յանձնելու ատեն ըսաւ:

— Տէր հայր, ծառայ եմ սուրբ կարգիդ, տղաս քեզի մատաղ ըլլայ, միտը քեզի... ոսկորը ինձի ինչ կ'ուզես, ան ըրէ, մինակ թէ տղաս երկու կտոր բան սորվի...:

Ես շատ լաւ չհասկցայ թէ մայրս ինչ ըսել կ'ու-



5475 - 82

զէր այդ խօսքերով. միայն լսեցի թէ տէրտէրը խօսք տուաւ լաւ ուսում տալ ինծի, անանկ մը սորվեցնել որ կեանքիս մինչև վերջը չմոռնամ...: Ճիշտ է որ մինչև այսօր ալ չեմ մոռցած... կռնակիս ոսկոր-



— Տէր հայր, միսը քեզի ոսկորը ինծի...

ներուն ցաւը:

— Ողորմած հոգի հայրը իմ լաւ բարեկամս էր, աւելցուց տէրտէրը, անոր լիշատակին համար աչքիս

լոյսին պէս կը նայիմ որ հօրը պէս խելացի մարդ դառնայ...:

Տէր Թօղիկը — այսպէս էր վարժապետիս անունը — իր ուսումը ստացեր էր Աղթամարի(\*) վանքին մէջ: Թէ ինչո՞ւ վարդապետ չէր եղած, այդ բանը չեմ գիտեր, միայն թէ գիւղին մեծերը կ'ըսէին թէ տէր հօր պղտիկ գլուխը շատ մը մեծ բաներով լեցուն է:

Ոչ միայն մեր գիւղին, այլ բոլոր մօտաւոր գիւղերուն, նոյնիսկ քաղաքին մէջ անոր շատ գիտնական ըլլալը ամէն մարդու բերանն էր:

Ով որ գիշերը երազ մը տեսնէր, ատուուն կանուխ անոր տան շախմատը ափ կ'առնէր ու երազին մեկնութիւնը կը խնդրէր:

Որու սղան որ հիւանդ ըլլար, տէր-հօր մօտ կը բերէր որ վրան նարեկ կարգայ և առողջանայ:

Ով որ նոր գործի մը պիտի սկսէր, տէր-հայրէն կը խնդրէր որ ձեռքի համբիշին վրայ աղօթք մը ընէ:

Մէկ խօսքով, տէր-հայրը մեր գաւառին մարգարէն էր. ամէն մարդ անկէ խելք կը հարցնէր. ամէն մարդ անկէ խրատ կ'առնէր...

Աստուած իմ, ինչե՞ր, ինչե՞ր չէին պատմեր անոր մասին... Կ'ըսէին թէ տէր հայրը եղունգին վրայ բան մը գրելուն պէս... երկինքէն անձրև կու գայ: Կ'ըսէին թէ անիկայ աղօթք մը ընելուն պէս ծառերու վրայի պտուղները մըջիւններու պէս կը շատնան: Եւ ընդհակառակը, անոր մէկ խօսքով օձը իր եղած տեղը կը քարանայ...: Կ'ըսէին թէ թռչուն-

(\*) Աղթամար վանայ ծովուն մէջ պզտիկ կղզի մըն է, ուր հայերը ասկէ 20 տարի առաջ դեռ փառանեղ եկեղեցի եւ վարժարան ունէին: Հիմա բուրեհուն կողմէ Բաղուհանգ եղած է:

ներուն բերանը աղօթքով կը կապէ և անոնք այլևս չեն կրնար արտերուն ցորենը ուտել... կ'ըսէին թէ սատանաները կը բռնէ և շիշի մը մէջ կը թխօնէ ու այնպէս կը պահէ որ մարդոց չկրնան վնասել:

Առաջները ես այս բաները լսելուս կը վախնայի, բայց յետոյ այնչափ վարժուեցայ, որ կը մտածէի. — «Տէր Աստուած, ե՞րբ պիտի ըլլայ որ ես ալ այդ բոլոր բաները սորվիմ և խելացի մարդ ըլլամ...»

Բնական է որ երբ քիչ մը մեծցայ, խելքս հասաւ որ այդ բոլոր ըստածները սուտ ու մուտ բաներ են, որ քահանաները շատ բարի և յարգելի մարդիկ են. բայց այն ատեն շատ պզտիկ էի և այդ խենդ ու խելառ բաներուն կը հաւատայի:

Եւ ի՞նչպէս չհաւատայի, երբ ամէն օր կը տեսնէի անոր տունը լեցուն հայու, թուրքի, հրեայի կընիկներով:

Որը տէր հօր համար նուէր կը բերէր քանի մը հատ հաւկիթ, որը աքաղաղ մը, որը շիշ մը օղի, որը պոյզ մը գուլպայ, վերջապէս ոչ մէկը ձեռքը պարպ չէր մտնէր տէր հօր տունէն ներս:

Ի՞նչ քանի համար կու գային այդ մարդիկը:

Մէկուն հարսը կազ էր, տէր հայրը թուղթ մը կը գրէր, 12ի կը ծալէր ու կու տար որ վիղէն կախէ... որպէսզի ոտքը շտկուի:

Մէկ ուրիշին մանչը անառակ էր, գիշերները ուշ ատեն տունէ կու գար: Տէր հայրը իր «Վեցհազարեակ»<sup>(\*)</sup> շնորհիւ անառակ սղուն խելքը... տուն բերել կու տար:

(\*) «Վեց հազարեակ» սոս ու փոս բաներով լեցուն բժշկական գիրք մըն է, ատեն ատեն ատեն գրուած:

Ուրիշ կին մը իր հասուկ աղջիկը հարուստ մարդու մը հետ ամուսնացնել կ'ուզէր: Տէր հայրը «տըլըրմ» մը կու տար և աղջկան բախտը կը... բացուէր:

Դեռ ուրիշ շատ այսպիսի բաներ կ'ընէր տէր հայրը և կ'ըսէին թէ... ըրածները բոլորը կը կատարուէին...:

Այն ատեն մարդիկ շատ տգէտ էին, ու եթէ մազով մօրուքով մարդիկ տէր հօր բերնէն ելած խօսքերը հալած իւղի պէս կը կլլէին, ես իմ մատ մը հասակովս ի՞նչպէս չհաւատայի:

Իր եկեղեցական պաշտօնին մէջ ալ տէր Թօղիկը շատ խիստ էր: Մեծ պահքին 49 օրերուն ամէն մարդ, բացի մինչև 7 տարեկան տղոցմէ, պէտք է պահք բռնէին և չորեքշաբթի ու ուրբաթ օրերը ծոմ մնային մինչև երեկոյեան ժամասացութեան լմնալը:

Երբ Մեծ-Պահքը կ'սկսէր, մեր թաղեցիք սովորութիւնն ունէին կէս օրուայ ժամասացութենէն առաջ եկեղեցիի բակը գտնուող խուցին մէջ հաւաքուիլ: Վարժապետս հոն կու գար և հաւաքուած թաղեցիներուն համար խոշոր գրքի մը մէջէն կը կարգար բարձր ձայնով: Թէ կը կարգար և կը բացատրէր, որովհետև գիրքը գրաբար լեզուով գրուած էր:

Ես մինչև այսօր ալ չեմ մոռցած այն կաշիէ կողքով մեծ և հաստ գիրքը որ իմ հասակիս չափ մեծ ու ծանր էր. այդ գրքին «Այսմաւուրք»<sup>(\*)</sup> կ'ըսէին: Այնչափ ծանր էր որ եկեղեցիէն մինչև տէր հօր խուցը տանիլս հոգիս կ'ելլէր:

Թէ ի՞նչ գրուած էր այդ հաստափոր գրքին մէջ, ես չէի գիտեր. բայց շատ անգամ գիրքը տանելու

(\*) «Այսմաւուրք» անհաւաստի ու ծիծաղելի պատմութիւններով լեցուն կրօնական գիրք մըն է, ատեն ատեն ատեն գրուած:

ժամանակ կը մտածէի. — Ախ, Աստուած իմ, ի՞նչ կ'ըլլար եթէ անոր մէջ գրուածները բոլորը իմ գըլխուս մէջ լեցնէի...

Բայց յետոյ ինքս իմ վրաս կը խնդայի — « Լա՛ւ, կ'ըսէի, ի՞նչպէս իմ պատիկ գլուխս այդ բոլոր բաները կ'ընայ իր մէջը առնել... » Յետոյ նորէն կը մտածէի. — « Վարժապետիս գլուխն ալ այնչափ մեծ չէ, ան ի՞նչպէս այդ բոլորը զիտէ »:

Թաղին ծերերը հաւաքուած կ'ըլլային խուցին մէջ և պատկառանքով տէր հօր գալուն կը սպասէին: Ես կը տանէի գիրքը և պատիկ գրակալին վրայ կը դընէի ու յետոյ ձեռքերս կուրծքիս վրայ ծալած, անկիւն մը կը կանգնէի:

Տէր հայրը կու գար:

Ախ, ի՞նչ պատկառանքով բոլորը ոտքի կ'ելլէին և ի՞նչ երկիւղածութեամբ իր աջը կը համբուրէին...

Տէր հայրը կը նստէր գրակալին առջև ու կը սկսէր կարդալ ու բացատրել:

Ես մինչև այսօր ալ չեմ մոռցած կարգ մը բաներ որ ես այն ատեն սորվեցայ սուրբերու, ճգնաւորներու և արեղաներուն գործած հրաշքներուն մասին: Իբր թէ տապկուած աղանիւնները... երկինք թոցուցեր են, իբր թէ հրեշտակներուն հետ խօսեր են, իբր թէ սատանաները բռներ ու իրենց սպասաւոր ըրեր են, իբր թէ շաբաթներով բան չեն կերեր, բայց Աստուած երկինքէն իրենց մանանայ թափեր է եղեր և այլն:

Ի՞նչ գիտնաս, ասանկ հազար ու մէկ բաներ կը լսէի, ու սիրտս տակն ու վրայ կ'ըլլար: Գիշերներն ալ տեսակ տեսակ երազներ կը տեսնէի. երբեմն

հրեշտակներուն շալակը նստած երկինք կը բարձրանայի. ատ ո՞րչափ ալ հեռու տեղ է երկինքը... կ'երթաս կ'երթաս չես հասնիր: Երբեմն ալ սև երես կոտորաւոր ու պոչաւոր մարդիկ թևերէս բռնած զիս դժոխքի կրակին մէջ նետել կ'ուզէին ու ես լեղապատառ... քունէս կ'արթննայի, երեսս կը խաչակնքէի ու կ'աշխատէի ալ չքնանալ մինչև առտու, որպէսզի նորէն այն սև երես մարդիկը զիս չբռնեն...

\* \* \*

Մեր դպրոցը տէր Թօղիկի տան աւելորդ սենեակներէն մէկն էր, անասուներու ախոռին շատ մօտ և գրեթէ անոր կպած:

Այդ նեղ ու խեղդուած սենեակին մէջ լեցուած էին թիւով մինչև քառասուն աշակերտներ: Աշակերտներէն զատ՝ հոն կապուած կ'ըլլային նաև տէր հօր նորածին հորթերէն երեքը:

Չմեռը այնտեղ շատ հաճոյալի էր. թէև վառարան չէր վառուեր, բայց ախոռին պատէն դէպի դասատուն ծակուած պատուհանները կը բանայինք և ախոռին տաքը շոգիի ձևով կը մտնէր ներս ու մեր դասարանը բաղնիքի պէս կը տաքնար:

Այդպէս շատ հաճոյալի էր, թէև եզներուն ու կովերուն շնչառութեան հոտը երբեմն խեղդելու չափ ծանր կու գար մեզի:

Իսկ ամառը... ալ մի հարցնէք, որովհետև ախոռին մէջի անմաքրութիւնները հոտելով մէկ կողմէն անտանելի հոտ մը կը բռնէր, իսկ միւս կողմէն մէջտեղ կ'ելլէին տեսակ տեսակ որդեր որոնք լուեղու և մթեղներու հետ խումբ կազմելով, անագին թիւով դէպի մեր դասարանը կը խուժէին:

Անոնք այնքան պզտիկ էին որ մարգուս աչքը հագիւ կրնար տեսնել, բայց ինչ սարսափելիներպով կը խայթէին, ատի միայն Աստուած գիտէ:

Ամբողջ դպրոցը միայն մէկ դասարան ունէր: Հոն կ'աւանդուէր թէ տարրական և թէ բարձրագոյն գիտութիւններ. սկսեալ այբուբենէն մինչև այն հաստափոր գիրքը որ ես հագիւ հազ եկեղեցիէն մինչև տէր հօր տունը կը տանէի:

Մեր դասարանը, թուրքի մզկիթի նման, բոլորովին մերկ էր. նստարան, աթոռ, սեղան, գրատախտակ ըսուած բաները հոն չկային: Աշակերտները ծալլապատիկ կը նստէին խոնաւ գետնին վրայ, առանց տախտակամածի, այլ միայն խտիրներով ծածկուած:

Վարժապետը միայն իր տակը կը փռէր այծի մորթ մը, իսկ քանի մը հարուստի տղաք իրենց նրստոցները ունէին բուրդով լեցուն որ իւրաքանչիւրը իր տունէն բերած էր:

Միակ առարկաները որոնք կրնային թերևս յիշեցնել թէ այդ մութ և գերեզմանի պէս խոնաւ սենեակը դպրոց ըլլալու է, ատոնք ալ անկիւնը դրուած «Փալախա»ն և անոր քովը կապուած թարմ ծառի ճիւղէ բարակ գաւազաններն էին:

Ա՛խ, քանի՞ քանի՞ անգամ մենք գողցանք, քանի՞ քանի անգամ կոտրեցինք այն սնիծեալ «Փալախա»ն, բայց դարձեալ չկրցանք անկէ ազատիլ: Ան միշտ կար ու կար: Կարծես թէ առանց Փալախայի դպրոց չի կրնար ըլլալ...

Վերջը, երբ մեծցայ, օր մը թրքական բանտ մը այցելեցի: Բանտը լեցուն էր աշխարհի ամէնէն զազրելի գողերով և մարդասպաններով. բայց բոլոր

այդ հրէշածին արարածները հանգիստ և ուրախ էին, այնչափ գոհ կ'երևէին իրենց վիճակէն որ կարծես ըսել կ'ուզէին թէ բանտէն ազատուելու օրը նորէն վատութիւն մը պիտի գործեն և նորէն բանտ վերադառնալու պատրաստ են:

Մտաբերեցի թէ ի՞նչպէս եղեր է որ թուրքերը, որ այնչափ հանճարեղ են անմեղ անձեր շարշարելու, կողոպտելու և սպաննելու արհեստին մեջ, չեն մտածեր բանտերու մէջ գործածել ֆալախան — աշակերտի մը հոգին ու մարմինը մաշող այդ գործիքը...:

Աշակերտի մը բոպիկ ոտքերը դնել երկու փայտերով շինուած մեքենային մէջտեղը, պտտցնելով վեր բարձրացնել, յետոյ ծառի կակուղ ճիւղերով այնչափ զարնել որ խեղճը բոլորովին թուլնայ, ցաւէն պոռայ և ինքն իր վրայ գալարուելով՝ մարի, — անա այդ էր ֆալախային նշանակութիւնը:

Ամէնէն գէշ կողմը այն էր որ, պատժուող աշակերտին մերկ ոտքերուն հարուածները զարնողը պէտք էր ըլլար սովորաբար — այնպէս կը հրամայէր մեր վարժապետը — ծեծ ուտողին բարեկամը կամ ամենասիրելի ընկերը:

Եթէ ծեծողը կամաց զարնէր և կամ սիրտը չըզիմանալով չուզէր ծեծել, այդ պարագային ինքն ալ ֆալախայի կ'ենթարկուէր:

\* \* \*

Դասաւանդութիւնը առտուն կանուխ կը սկսէր: Վարժապետը իր անկիւնը նստած կ'ըլլար՝ առջևը փոքրիկ գրակալը. այդ էր իր ամպիօնը:

Աշակերտները կարգով կը մօտենային, վարժապետին ձեռքը կը համբուրէին, կը շօքէին անոր

առջև ու դասագիրքը գրակալին վրայ դնելով՝ իրենց դասը կու տային:

Սովորաբար ամէն մէկ սխալին համար աշակերտը մէյ մէկ «խրատ»ի ուժգին համբոյր... կը ստանար իր ափին մէջ: Իսկ եթէ իր դասը բնաւ չէր գիտեր, ա՛հ, այդ պարագային անոր համար պատրաստ էր «օրհնեալ» ֆալախան:



— Կարդա՛ դասդ, ծօ...

Այդ «խրատ» ըսուածն ալ մեր վարժապետին հանճարեղ ուղեղին մէկ արտադրութիւնն էր: Շատ կարծր փայտէ շինուած նեղ ու տափակ տախտակ մըն էր, և պզտիկ թիի մը ձևը ունէր: Վրան տեսակ տեսակ խօսքեր գրուած էին, բոլորն ալ ծեծելու վերաբերեալ և բոլորն ալ գրաբար... կերևի ա-

ւելի ազդու ըլլալու համար: — Օրինակ — «Որ ոչ լուիցէ ունկամբ, լուիցէ թիկամբ»(\*) կամ — «Օրհնեալ է փայտն որով լինի արդարութիւն» . և կամ — «Քանն է ծառ խրատու, իսկ պտուղ նորա քաղցր»... .

Խրատելու այդ գործիքը ինքը շինել տուած էր, մեր գիւղի ատաղձագործ Ակոբ աղբօր ձեռքով և կ'ըսէին թէ դեռ 4-5 հաս ալ տունը պահած ունէր իբր պահեստի, որպէսզի կոտրելու կամ կորսուելու պարագային, աշակերտները առանց «խրատ»ի չմնան: Բայց տէր թօղիկը կը պատմէր որ իր ձեռքի «խրատ»ը նուէր ստացած էր իր վարժապետէն, ի նշան իր մեծաքայլ յառաջդիմութեան:

Գործադրուած պատիժներուն մէջ մինչև այսօր ալ չեմ մոռցած մէկ հատը, որ ո՛րչափ ծիծաղելի այնչափ ալ սարսափելի էր:

Աշակերտը ոտքի կը կեցնէին և երկու ձեռքով բռնել կու տային ծանր աղիւս մը կամ Այսմալուրքը: Ժամերով պէտք էր գլխէն վեր, երկու ձեռքերուն մէջ բռնած կենար: Թևերը կը յոգնէին, ջիւղերը կը թուլնային, բայց այդ ալ ոչինչ: Գլխաւոր տանջանքը ան էր որ յանցաւորը պէտք էր կենար միայն մէկ ոտքի վրայ. միւս ոտքը գետին դնելու իրաւունք չունէր: Սովորաբար կ'ընտրուէր ձախ ոտքը, իսկ աջը պէտք էր վեր բարձրացած պահէր:

Ուրիշ աշակերտ մը, փայտը ձեռքը, յանցաւորին մօտը կեցած, կը հսկէր: Եթէ պատահէր որ վեր բարձրացած ոտքը գետին դպէր, անմիջապէս հարուածը կ'իջեցնէր:

Այս սատանայական պատիժին ես այնքան վար-

(\*) «Ականջով չլսողը՝ կունակով կը յսէ:»

ժուլած էի, որ կրնայի սագի պէս երկար ատեն մէկ  
ոտքիս վրայ կենալ:

\*  
\*\*

Մեր դպրոցը դեռ ուրիշ կանոններ ալ ունէր:



— Օ՛Ֆ... nsfbru... քնbru...

Առտու կանուխ պէտք է դասարան գայինք ա-  
նօթի փորով, առանց նոյնիսկ պատառ մը հաց կե-  
րած ըլլալու: Թէյ կամ սուրճ խմելու սովորութիւն  
չկար մեր երկրին մէջ այն ատենները: Իսկ եթէ  
պուտ մը թան կամ մածուն կլլած ըլլայինք, ատոր  
համար սարսափելի պատիժ կար:

Մեր վարժապետը յաճախ կ'ըսէր. — «Կուշտ  
փորով կարելի չէ դաս սորվիլ. երբ մարդ բան մը  
կ'ուտէ, խելքը կը պակսի»... Եւ իբր օրինակ կը  
բերէր ճգնաւորները, վարժապետները որոնք բան  
չեն ուտեր, բայց մեծ մեծ գրքեր կը շարադրեն...

Այս պատուէրը մենք ամենայն ճշտութեամբ  
կը կատարէինք. զեղծում ընելը անկարելի էր, ո-  
րովհետեւ մեր վարժապետը սատանայի պէս կը հաս-  
կրնար եթէ մէկը ունէ բան դրած ըլլար բերանը:

Տեսէք թէ ինչպէս կը հասկնար:

Դասի սկսելէ առաջ, մեր բոլորին լեզուն կը  
նայէր որպէսզի տեսնէ թէ մեզմէ ունէ մէկը իր ծո-  
մը լուծեր է թէ ոչ:

Յայտնի է որ, բան չկերած մարդուն լեզուն  
աւելի ճերմակ կ'ըլլայ, վրան ճերմակ փառ կը կա-  
պէ: Իսկ երբ բան մը ուտէ կամ խմէ, լեզուն կը  
մաքրուի ու աւելի կարմիր գոյն կ'առնէ:

Այս պատճառով մենք ամէն առտու ոչ միայն  
բան մը չէինք ուտեր, այլ նոյնիսկ կը վախնայինք  
լուացուած ատեն մեր բերանը ջուրով ցօղուելու,  
որպէսզի չըլլայ թէ մեր լեզուի ճերմակութիւնը սրբ-  
բուի և վարժապետը բարկանայ թէ ծոմը լուծեր ենք:

Եւ այսպէս, մինչև կէսօր մենք դաս կ'առ-  
նէինք պարապ ստամոքսով. մեր գլուխը կը դառ-

նար, անօթու թենէն աչքերու լոյսը կը սենար և նորէն բան մը չէինք կրնար սարվիլ:



— Լեզուներդ հանեցէ՛ք սեանեմ, ծօ՛

\*  
\* \*

Մեր ժամացոյցը պատին վրայի շուքն էր, որը գետնին վրայ մինչև նշանակուած գիծ մը հաս-

նիլը, գիտէինք որ արդէն կէսօր է: Այն ժամանակ միայն ճաշելու իրաւունք կ'ունենայինք:

Բայց ս'ըքան անհամբեր կը սպասէինք, մինչև որ սառուերը գիծին հասնէր... կարծես արևն ալ մեր վարժապետին պէս անսիրտ էր. միշտ կամաց կամաց կը քալէր անպիտանը:

Ճաշը կ'ընէինք դասարանին մէջ: Աշակերտները իրենց հետ բերած կ'ըլլային իրենց ճաշը և անուշ պատառներէն բաժին կը հանէին նաև տէր հօր համար, այնպէս որ անոր բաժինը աւելի ճոխ և համեղ կ'ըլլար. մինչև անգամ երեցկիներն ու անոր արդաքն ալ կը կշտանային տէր հօր սեղանէն:

Ճաշէն վերջ թէև քանի մը ժամ հանգիստ ունէինք, բայց խաղալը բացարձակ կերպով արգելուած էր: Խաղը մեզի համար կը համարուէր տեսակ մը չարութիւն:


Աշակերտ մը պէտք էր ըլլալ լուռ, անշարժ, ամօթխած և խոնարհ: Այս պատճառով սաստիկ կը պատժուէր երբ խաղալը տեսնուէր և աւելի գէշ էր իրեն համար եթէ քովը խաղալիքներ գտնուէին:

Այս պատճառով երբեմն անակնկալ կերպով աշակերտներու գրպանները կը խուզարկէին:

Հարուստի տղաքը բացառութիւն կը կազմէին դպրոցի կարգապահութեան մէջ: Անոնց համար շատ բան ներելի էր: Դասարանին մէջ ամէնէն լուտեղը կը նստէին. իսկ դուրսը՝ երբ իրենց ազբաս ընկերները կը ծեծէին՝ պատիժ չկար:

Այս անունով աշակերտ մը կար, որ մեր գիւղի հարուստներէն մէկուն տղան էր:

Այժմ մեր դպրոցին ամէնէն անպիտան աշա-



կերտն էր, ոչ մէկը չէր սիրեր դայն՝ բացի մեր վարժապետէն :

Երբ աշակերտներէն մէկը պատժել պէտք ըլլար, Ալօն առաջինն էր որ կը խնդրէր վարժապետէն իրեն թողուլ ընկեր մը ծեծելու անարգ գործը :

Ծեծել իր ընկերը, լացնել ու շարժարել դայն, այդ բանը անասնման հաճոյք կը պատճառէր անսիրտ Ալօին և մեր վարժապետը չէր մերժէր անոր խնդիրքը :

Ամէն օր նոր գիրք մը բռնած դպրոց կու գար՝ վարժապետին կը ցուցնէր ու կ'ըսէր՝

— Հայրս ըսաւ որ այս գիրքէն դաս տաք :

— Շատ լաւ, կը պատասխանէր վարժապետը, ասկէ վերջ այդ գիրքը կարդայ :

Անգամ մը ես չկրցայ համբերել և ըսի Ալօին :

— Դուն մէկ տուն Սաղմոսը հեզելով հաղիւ կը կարդաս, այդ մեծ գիրքը ի՞նչպէս պիտի կարդաս :

— Իմ հայրս ալ մեծ մարդ է, պատասխանեց ան տեսակ մը հպարտութեամբ :

— Քու հայրիկիդ մեծ մարդ ըլլալը գիտենք, բայց տղան մեծ գիրք կարդալու համար քանի մը փուռ հաց պէտք է ուտէ :

— Ինչո՞ւ համար քեզի պէս գլուխ պիտի ճաթեցնեմ եղեր... հայրիկս ըսաւ թէ տար այդ գիրքը կարդա, որ դպրոցին առաջին աշակերտն ըլլաս :

— Ինչպէս ինքը գիւղին առաջին մարդն է, պատասխանեցի ես խնդալով :

Այս ըսելս ու երեսիս ուժգին ապտակ մը իջնելը մէկ եղաւ : Ես ալ իրեն քթին փակցուցի զօրեղ բռունցքի հարուած մը :

Անպիտանը խկոյն վարժապետին քով վազեց ու իմ մասիս զանգատեցաւ :

Ալ ձեզի կը ձգեմ երևակայել թէ ի՞նչ սարսափելի պատիժներու ենթարկուեցայ այդ յանդրանութեանս համար : Ըլլալիք բա՞ն է որ ինծի պէս խեղճ ու կրակ արհեստաւորի տղայ մը քիթը արիւնէ գիւղին ամէնէն հարուստ տղային շփացած մանչուն :

\* \*

Սակայն, դպրոցին մէջ հարուստի տղոց վայելած կողմնակալ վերաբերմունքը առանց պատճառի չէր. անոնք տօն օրերուն նուէրներ կը բերէին վարժապետին, գինի, օղի, իւղ, պանիր և ուրիշ բաներ :

Անոնց հայրերը դրամ կը նուիրէին վարժապետին՝ երբ տղաքը գիրք մը վերջացնելէ յետոյ ուրիշ մը սկսէին :

Բայց ես աղքատ էի. մայրս դժուարութեամբ կրնար վճարել իմ ամսականս, իսկ նուէրներու փոխարէն ես յանձն առած էի վարժապետիս անական գործերը ընել :

Առտուրնէ մինչև իրիկուն հանգիստ չէի կրնար կենալ, աղբիւրէն խմելու ջուր կը բերէի, կովերուն համար դաշտէն խոտ կը քաղէի, հորթերը կը բռնէի՝ երբ երեցկինը կովերը կը կթէր և եթէ ընելիք ուրիշ գործ չըլլար, ճաշէն վերջ վարժապետիս քովը կը նստէի ու ճանճերը կը քշէի սրպէսդի անոր անուշ քունը տանի... :

\* \*

Շատ անգամ կը պատահէր որ մերթադր մը

կըրտութիւն կամ թաղում ըլլար. այդ օրը վարժապետիս համար հարսնիք էր, իսկ մեզի համար մահ:

Աշակերտներէն քանի մը հատը որոնք մեծ էին հասակով և տիրացութիւն ընել գիտէին, կը շալկէին տէր հօր շուրջաօր, մաշտոցը, բուրվառը և ուրիշ քահանայական սպասներ: Անոնք տէր հօր ետեւէն կ'եթեթային ուր որ արարողութիւնը պիտի կատարուէր:

Այդպիսի օրերուն, երբ մենք, դպրոցը մնացող աշակերտներս, պիտի կրնայինք քիչ մը ազատ շունչ քաշել, ընդհակառակը, աւելի գէշ կ'ըլլար մեր վիճակը:

Վարժապետը, մտածելով որ իր բացակայութեանը մենք չարութիւն կ'ընենք, հնարեր էր ստանայական գործիք մը մեզի հանգիստ պահելու համար:

Մեկնելէ առաջ ան մեզի կը նստեցնէր իրարմէ հեռու, մեր հագուստի լայն քղանցքները կը տարածէր գետնին վրայ, քղանցքին վրայ կը լեցնէր ջուռ մը մանր աւազ. յետոյ աւազին վրայ կը դրոշմեր փայտէ կնիքով մը որ յատկապէս այդ նպատակով փորագրել տուած էր Յակոբ աղբօր:

Հիմա կրնաք երեւակայել մեր դրութիւնը. ամբողջ ժամերով պէտք է գամուած մնաս գետնին վրայ. ոչ մէկ շարժում չես կրնար ընել, որովհետև իսկոյն աւազը կը խառնուի, կնիքը կ'աւրուի, և վարժապետը այդ բանը տեսնելով, հոգիդ կ'առնէ...:

Այս տեսակ պատիժներու շատ յաճախ ես ես թարկուած եմ:

Տէր Աստուած, ի՞նչպէս կրնայի ընել. մեռել չէի որ տեղս անշարժ մնայի: Կը պատահէր որ կամ

կը կ'էր լուսն կամ անպիտան ճանճ մը քիթս կ'ուտէր և կամ վերջապէս բնական պէտքս կը բռնէր...:

Վարժապետը դպրոց կը վերադառնար գլուխը քիչ մը տաքցած, քիթը կարմրած գինիէն կամ օղիէն որ սովորաբար կը հրամցնէին կնուսքէն վերջ:

Կը տեսնէր որ կնիքը աւրուեր է. այն ատեն — «Ատեան ելի՛ր...» կը հրամայէր ինծի ու կամ ոտքերս ֆալսխային մէջ դնել կու տար և կամ մերկ ծունկերով քարի կտորներու վրայ ժամերով ծունկ նստեցնել կու տար, անշարժ կենալու պայմանաւ...:

Կ'ըլլային օրեր ալ երբ բոլոր աշակերտները միասին կը պատժուէին:

Տարուան մէջ, քանի մը անգամ մենք արձակուրդներ ունէինք: Մեծ արձակուրդները Ծընունդէն և Զատիկէն առաջ կ'ըլլային մէկ շաբաթի չափ:

Երբ տօներէն վերջ, աշակերտները դպրոց կը դառնային, մեր վաժրապետը բոլոր տղաքը, առանց բացառութեան, ֆալսխային տակ կը ծեծէր:

Պիտի հարցնէք թէ ինչո՞ւ համար:

Անոր համար որ, թերևս, աշակերտները արձակուրդի ատեն իրենց տուններուն մէջ կամ փողոցը շարութիւն ըրած կրնան ըլլալ. հարկաւ ամէն մէկուն շարութիւնը կարելի չէ ստուգել, հետևաբար թէ անմեղը և թէ մեղաւորը հաւասար կերպով պատժել պէտք էր...:

Այս բարբարոսութիւնը ուրիշ իմաստ մըն ալ ունէր:

Ինչպէս լաւ ձի նստողները, ձին նստելու ատեն, քանի մը մտրակի հարուած կու տան որպէսզի թմրած կենդանին գրգռուի, այնպէս ալ մեր

վարժապետը, հանգիստի օրերէն վերջ, գաւազանի հարուածներով կ'արթնցնէր մեր միաքերը... :

Մեր վարժապետը, սակայն, չարասիրտ մարդ չէր. ընդհակառակը ան շատ բարի էր:

Իր խստութիւնները և բրած անգթութիւնները առաջ կու գային իր այն համոզումէն թէ աշակերտները միայն այս ձևով կարելի է կրթել:

Ան այնպէս համոզուած էր թէ, առանց ծեծի, առանց տանջանքի, տղան բան չի կրնար սորվիլ: Ան այնպէս կը կարծէր թէ առանց ֆալսխային աշակերտները մէյ մէկ աւաղակներ կը դառնան... :

Երբ տուն դառնալուս, մօրս կը պատմէի կերած ծեծերուս և քաշած տանջանքներուս մասին, մայրս ալ կը հաւնէր վարժապետիս ըրածներուն եւ կը պատասխանէր.

— Տղաս, մինչեւ ծեծ չուտես, մինչև նեղութիւն չքաշես, բան չես կրնար սորվիլ:

Հապա, ինչո՞ւ այնքան ծեծ կ'ուտէի, այնչափ կը շարշարուէի, նորէն ոչինչ չէի կրնար սորվիլ:

Ես այնչափ ալ բթամիտ տղայ չէի. ես շատ սրամիտ էի. երբ մեծ մայրիկս հէքեաթ մը կը պատմէր, ես մէկ անգամէն միտքս կը պահէի: Երբ մեր գիւղը աշուղ մը կու գար, երգ կ'երգէր, ես իսկոյն կը սորվէի:

Իսկ դպրոցին մէջ ինչո՞ւ բթամիտ եղայ, ո՞ւր կորաւ իմ սրամտութիւնս... :

Կ'երևի թէ մեծ-մայրիկիս հէքեաթը, աշուղին երգը ես կը հասկնայի, ատոր համար շուտով մը կը սորվէի. իսկ վարժապետիս տուած դասերէն բան չէի հասկնար. ինծի այնպէս կու գար թէ ատոնք հայերէն չէին:

Գիշեր ցերեկ դասս կը սերտէի ու կը սերտէի. գլուխս բան չէր մտնար. վարժապետիս աչքը աչքիս դպածին պէս, վախը փորս կը մտնար, միտքս կը շփոթէր, գիտցածս ալ կը մոռնայի... :

Այն ատեն վարժապետս, ակունները սեղմած կը պոռար երեսիս.

— Սատանայի լակոտ, մարդ ըլլալիք չունիս... :

Ես անգամ համոզուած էի թէ, իսկապէս «մարդ ըլլալիք չունէի»:

\*  
\* \*

Առաջին անգամ վարժապետս իմ ձեռքս տրուաւ «Այբբենարան» մը:

Ամէնէն առաջին էջին վրայ գծուած էր մեծ խաչ մը, որուն տակը գրուած էր զարձեալ խոշոր գիրերով.

«Խաչ, օգնեա ինձ»

Քանի մը ամիս շարունակ, Երեսս խաչակրնքելով, կը կրկնէի ու կը կրկնէի այդ երեք բառերը:

Վարժապետս կ'ըսէր որ եթէ ամէն դասի ըսկըսելուդ, խաչը օգնութեան չկանչես, բան չես կրնար սորվիլ: Բայց կ'երևի թէ խաչն ալ ինձմէ բարկացած էր, ան ալ իմ միտքս բանալու նպատակ չունէր:

Մինչև այսօր ալ իմ միտքէս չէ սրբուած այն ծանր և անախորժ տպաւորութիւնը որ այդ այբբենը ձգած է վրաս... անոր ամէն մէկ գիրը կարծես կ'ուզէր զիս կլլել վիշապի պէս... գիշերներն անգամ հանգիստ քուն չունէի... գէշ երազներ կը տեսնէի ու կը տանջուէի ինչպէս դպրոցին մէջ:

Ինծի այնպէս կու գար թէ «Նու»ն, կապիկի պէս առջևս չոքած, իր զգուելի քիթը ծումոելով, կ'ուզէր զիս վախցնել: «Ռա»ն խոշոր մողէզի մը պէս վրաս կը վազէր որ ծոցս մտնայ:

Ամէնէն աւելի կ'ատէի «Ճէ»ն: Ան ամէն ատեն ինծի կ'երևէր վիզը ծոած ուղտի պէս, իսկ ես ուղտէն շատ կը վախնայի:

Բայց կար գիր մը որ ես շատ կը սիրէի. այդ ալ «Օ»ն էր. ես շատ շուտ սորվեցայ «Օ» գիրը, որովհետև ան շատ նման էր Սօնայի կլոր աչքերուն. . . :

Սօնան վարժապետիս աղջիկն էր:

Կեանքիս մէջ չեմ տեսած անոր պէս բարի և անմեղ աղջիկ: Երբ վարժապետս, ինծի կը ձեռէր արդար կամ անարդար տեղը, և այդ բանը շատ յաճախ կը պատահէր իմ չար բախտէս, Սօնան, ծած ուկ անկիւն մը քաշուած, կու լար:

Խեղճ աղջիկ, ինչո՞ւ կու լար:

\*  
\* \*  
\*

Այսպէս անցան եօթը տարիներ:

Այս եօթը տարուան ընթացքին՝ ես սորվեցայ ամէն ինչ որ կարելի էր սորվիլ այն ատեն — Մաղմոս, Ժամագիրք, Հին-կտակարան և նոյնիսկ այն անիծեալ խոշոր գիրքը — «Այսմաւուրք»ը որ իմ մէջքս կը կոտրէր եկեղեցիէն տուն տարած ատենս:

Ես արդէն կրնայի գրել և գրածս ալ կարդալ. վերջապէս վարժապետիս գիտցած բաները ամբողջովին գիտէի. միակ բանը որ չկրցայ սորվիլ, այն էր թէ ի՞նչպէս վարժապետս փչելով մէկու մը ոտքին վերքը կը բժշկէր կամ ի՞նչպէս աղօթքով անառակ տղայ մը խելացի կը դարձնէր:

Երբ տէր Թօղիկի դպրոցը մտայ՝ դեռ պզտիկ տղայ էի. հիմա արդէն հասուն պատանի դարձեր էի և բաւական ալ յառաջագէտ էի դասերուս մէջ: Բայց, հակառակ հասակիս, վարժապետս դարձեալ տղու մը պէս կը վարուէր ինծի հետ. դարձեալ «խրատ», դարձեալ «Փարսխա» և դարձեալ մերկ սրունքներով աղիւսի կտորներու վրայ ծունկ չոքիլ. . . :

Չարմանային այն էր որ անասունի մը պէս վարժուած էի այդ բոլորին, ինչպէս եզը, էշը, ձին չեն բարկանար իրենց տիրոջ հարուածներուն:

Բայց անգամ մը ճիշտ հակառակը պատահեցաւ:

Չատիկ տօնն էր: Աշակերտներէն ոչ մէկը չըկրցաւ «Դանիէլ»ի գիրքը սորվիլ եկեղեցին կարդալու համար: Այդ գիրքը սովորաբար հարուստի տղաքը կը կարդային և ծնողքը նուէր մը կու տար եկեղեցիին:

Իսկ այն տարին վարժապետս յանձնարարեց որ «Դանիէլ»ի գիրքը գոց կարդացուի որ ժողովուրդը բերանաբաց մնայ:

Մեծ-Պահքին սկիզբի օրէն սկսան սորվիլ ու սորվիլ. բայց հարուստի տղոցմէն որո՞ւն քով այդչափ ուշիմութիւն կար գիրքը գոց ընելու:

Հասաւ Մեծ-Պահքի աւագ ուրբաթ օրը. տըղոցմէ ոչ մէկը չկրցաւ գիրքը գոց ընել. վարժապետս ինծի յանձնեց որ ես պատրաստեմ «Դանիէլ»ը:

Մինչև յաջորդ օրը աւագ-շաբաթ կէսօր երկու երրորդ մասը գոց ըրած էի. կը մնար վերջին մասը որ մինչև իրիկուն սորվիլ կը յուսայի:

Բայց, անխիղճ վարժապետս կրակ ու բոց կըտրեցաւ.

— Սատանայի լակոտ, ես քու հերը կ'անիծեմ. . .

զոռաց երեսիս կատղած և զիս ախոռին մէջ բանտարկեց և հրամայեց հոն մնալ, մինչև ինքը ճրագալոյցի պատարագը վերջացնէ և անկէ յետոյ իմ հոգիս առնէ . . . :

Դուք ըլլայիք իմ տեղս չէի՞ք լար: Յիսուսն օր ծոմ ու պահք պահեր էի, ամէն օր առտու իրիկուն եկեղեցի գացեր աղօթք ըրեր էի և կը փափաքէի որ Աւագ-Շաբաթ իրիկուն եկեղեցիէն զուրս ելլեմ և կարմիր հաւկիթ գարնեմ ընկերներուս հետ:

Հիմա մուժ, խոնաւ, ճճիներով լեցուն ախոռի մը մէջ բանտարկուած էի. և ս'վ գիտէ, մէկ երկու ժամ վերջը ի՞նչ փառաւոր ծեծ մը պիտի ուտէի . . . :

Այս մտածումներուն մէջ կը շարժարուէի ու բանտս երկայնքին ու լայնքին կը շափշփէի, որովհետեւ գետինը շատ աղտոտ ըլլալուն՝ նստիլ անկարելի էր, մանաւանդ որ, հակառակի պէս, ես ալ Զատիկի առթիւ, նոր լաթերս հագած էի:

Այսպէս քանի՞ ժամ անցաւ, չեմ գիտեր. միայն յանկարծ լսեցի որ դուռը ճոաց:

Ամբողջ մարմինովս սարսուացի: Բայց սոսկումս շուտ անցաւ: Տեսայ որ դուռը բացողը Սօնան էր, ձեռքը վառած մոմ մը: Ան մօտեցաւ ինձի, ձեռքէս քաշեց ու կամաց ձայնով մը ըսաւ.

— Փախիր, Ֆարհատ, փախիր . . . զեռ հայրս չվերադարձած:

Ինչպէս զուրս թռայ այդ գարշահոտ ախոռէն չեմ գիտեր: Այդ փախչիլս էր. ալ անգամ մըն ալ մեր գիւղը չվերադարձայ:

\* \* \*

Անցան քանի մը տարիներ:

Օր մը, իրիկունան դէմ, իմ ընկերոջ Ասլանի հետ, հասանք հայաբնակ գիւղ մը՝ Վանի մօտերը:

— Հոս քիչ մը հանգստանանք, ըսաւ Ասլանը:

Իմ ալ ուզածս առ էր, որովհետև ամբողջ օրուն մը ճամբան յոգնեցուցած էր մարմինս:

Ասլանը զիս առաջնորդեց գիւղին քահանային տունը: Քահանան ծանօթ էր այդ կողմերը «խենդ տէրտէր» անունով:

Տէ՛ր Աստուած, նորէն տէրտէր . . . :

Մենք հասանք տէրտէրին տունը ճիշտ այն ատեն երբ ան քանի մը մարդ իր դրանը կապած՝ անասունի պէս կը ծեծէր:

Աստուած իմ, նորէն ծեծ . . . մտածեցի ես:

— Հը՛մ, տէրտէր, ի՞նչ է նորէն, ըսաւ Ասլանը, արդարութեան գաւապանը դարձեալ գործի վրայ է . . .

— Այս անպիտանները պէտք է քիչ մը խրատել . . . պատասխանեց տէրտէրը անփոյթ կերպով: Դէ՛հ, վար իջէք ձիերէն, Վանէն պատուական օղի և զինի բերել տուած եմ, հոգիի կնուսքի համար անմահական միւստն կ'ըլլան:

— Բայց մինչև մեր հոգիի կնուսքի սկսիլը, դուն հրամայէ որ այդ երկոտանի անասուններուն կապերը քակուին:

— Ո՛չ, դուք իմ դատաստանիս մի խառնուիք, այդ անասունները պէտք է պատժուին, ըսաւ ան: Ներս մտէք:

«Անասուն» ըսածը երկու քիւրտեր էին, որոնք, տէրտէրին ըսածին համաձայն, գիւղին նախիրէն երկու կովեր գողցեր են եղեր:

Ասլանը ալ բան չըսաւ :

Ներս մտանք տէրտէրին տունէն ներս: Ան մե-  
զի առաջնորդեց ընդարձակ սենեակ մը որ, իբր թէ,  
իւր հիւրանոցն էր

Ես կը կարծէի թէ հոս ալ տէր թօղիկի տու-  
նին պէս Սաղմոս, Կտակարան կամ Այսմաւուրք պի-  
տի գտնեմ. մինչդեռ հոս թուղթի կտոր մը անգամ  
չտեսայ. իսկ ատոր փոխարէն պատերէն վար կախ-  
ուած գտայ քանի մը հատ հրացան, սուր, դանակ,  
փամփուշտակալ և այլն :

Առաջին խօսքերէն իսկ յայտնի եղաւ որ Աս-  
լանը և տէրտէրը զիրար շատոնց կը ճանչնան եղեր :

Տէրտէրը երկայնահասակ չոր ու ցամաք մարդ  
էր : Չայնը խոպոտ ու ուժեղ. ձախ ձեռքի երկու  
մատերը կտրուած, իսկ վզին վրայ ալ քանի մը հատ  
վէրքի սպիներ կային : Յայտնի էր որ այս մարդը  
կեանքին մէջ շատ կոփւներ ըրած է, բնականաբար  
վայրենի քիւրտերուն և թուրքերուն դէմ և պարապ  
տեղը չէր որ անունը «խենդ- տէրտէր» դրեր են :

Հիւրանոցը մտանք թէ չէ, տէրտէրը պատու-  
հանի մը վարագոյրին ետեւէն հանեց օղիի անագին  
շիշ մը. նախ լեցուց ինքը խմեց, յետոյ տուաւ Աս-  
լանին, անկէ վերջն ալ ինծի .

— Առ, խմէ՛, ոսկորներդ կը պնդացնէ, յոգ-  
նած ես, ըսաւ :

Տեսնելով խոշոր գաւաթը, ես սարսափեցայ :

— Օղի խմելու սովորութիւն չունիմ, ըսի :

— Ինչո՞ւ, տիրա՛ցու, հարցուց սոսկալի ձայնով :

— Տիրացու չէ, ըսաւ Ասլանը :

— Բայց շատ նման է տէրտէրցուի, ըսաւ հեզ-  
նական :

— Մենք ազատեցինք զինքը տիրացուութենէ,  
ըսաւ Ասլանը խորհրդաւոր շեշտով :

— Լաւ, այն ատեն քիչ մը «հարսի-օղի» տամ  
քեզի, ըսաւ տէրտէրը և ուրիշ վարագոյրի մը ետեւէն  
կարմիր շիշ մը դուրս հանեց :

Յետոյ տէրտէրը մօտեցաւ պատուհանի մը և  
պոռաց :

— Է՛յ, երեցկին, գրողը տանի քեզի, ո՞ւր ես  
կորեր :

Ներս մտաւ կարճիկ համակրելի դէմքով կին  
մը և Ասլանին հետ համբուրուեցաւ կարօտով :

— Գնա՛ սա նոր հիւրին երեսն ալ համբուրէ,  
կուրնայիք պառաւ, ըսաւ տէրտէրը :

Երեցկինը զիս ալ համբուրեց :

— Դէ՛հ, հիմա գնայ ինչ «հոգու բաժին» որ  
ունիս, բեր, ասոնց փորը պարապ ըլլալու է :

Երեցկինը դուրս ելաւ ժպտելով, յայտնի էր որ  
ուրախ էր հիւրեր ունենալուն համար :

Ասլանը հարցուց տէրտէրին թէ ո՞ւր պահ-  
ուած են այն «բաները» : Տէրտէրը յօնքով նշան ը-  
րաւ թէ քովի սենեակն են : Ես այն ատեն չհասկցայ  
թէ ինչ կը նշանակեն «այն բաները» : Շատ տարիներ  
անցնիլ պէտք եղաւ որ ես օր մը հասկնայի թէ տէր-  
տէրը և Ասլանը ազնիւ և պատուական մարդերէ կազ-  
մուած զազանի ընկերութեան մը անդամներն էին և  
որոնք զէնքերով կը պատժէին բոլոր աւագակ քիւր-  
տերն ու թուրքերը :

Արդէն սկսած էի տէրտէրը սիրել առաջին վայրկեանէն, իր անկեղծ բնաւորութեան համար, թէ-  
և իր դէմքը կոշտ էր և ձայնը խռպոտ:

— Ո՞րտեղ են տղաքը, հարցուց Ասլանը, ակ-  
նարկելով տէրտէրին մանչերուն և աղջիկներուն:

— Ամէնքն ալ իրենց սիրելի խանութները ա-  
ռած սարը գացած են ոչխարներուն մօտ: Տունը մը-  
նացած ենք ես և իմ չոր գլուխ երեցկինս: Քահանա-  
յութիւնը ծանր պաշտօն է, օրհնած:

— Եւ դուն ճշտութեամբ կը կատարես, այն-  
պէս չէ՞... հարցուց Ասլանը խնդալով:

— Այո՛, աւելի լաւ քան մեր տէր Մարուզը, որ քերականութիւն կարդացած է: Իմ մկրտածներս աւելի լաւ քրիստոնեաներ կ'ըլլան և իմ թաղած մե-  
ռելներէս ոչ մէկը մինչև հիմա գերեզմանէն դուրս փա-  
խած չէ...:

— Բայց ի՞նչպէս եղաւ որ անգամ մը տղան  
աւազանին մէջ խաշեցիր: Պատմէ տեսնենք:

— Էհ, ատ հին պատմութիւն է, հիմա ա-  
տանկ բան ըրած չունիմ:

— Պատմէ, խնդրեմ, թող Ֆարհատն ալ լսէ:

Տէրտէրը շատ ծիծաղելի կերպով պատմեց թէ,  
իրենց երկիրը սովորութիւն կայ որ ձմեռը երբ նո-  
րածինը կնուռքի կը բերեն, միասին տաք ջուր ալ  
կը բերեն աւազանը լեցնելու համար:

Օր մը, մկրտութեան պահուն, դայեակին բե-  
րած ջուրը շատ տաք կ'ըլլայ: Տէրհայրն ալ եղածին  
պէս կը լեցնէ աւազանը՝ առանց փորձելու ջուրին  
տաքութեան աստիճանը:

Երբ աւազանին մէջ կը խոթէ, տղան կը խա-

շի և տէրտէրը միայն այն ատեն կը հասկնայ որ տը-  
ղան մեռած է՝ երբ կը նկատէ որ այլև ձայն ձոյն չի  
հաներ:

— Աս աւրուեցաւ, կը դառնայ կնքահօրը, ե-  
թէ կայ գնայ ուրիշ մը բեր որ մկրտեմ:

\* \* \*

Տէրտէրը հետզհետէ ինծի աւելի համակրելի  
և աւելի բարեսիրտ մարդու մը երևոյթը առաւ:

Երբ Ասլանը պահ մը դուրս ելած էր, տէրտէ-  
րը ինծի դարձաւ.

— Գրել-կարգալ գիտե՞ս, տղաս, ըսաւ:

— Այո՛, գիտեմ.

— Ո՞ւր կարդացած ես:

— Մեր թաղին քահանային, տէր թօղիկի մօտ.

— Հասկցայ... դեռ չսատկեցա՞ւ այդ աւա-  
զակը:

— Դեռ ողջ է, պատասխանեցի: Բայց դուք  
ո՞րտեղէն կը ճանչնաք տէր թօղիկը:

— Ո՞վ չի ճանչնար այդ խայտառակը. ժա-  
մանակին Դատուան գիւղին «գզիրն» էր. չըրած  
խայտառակութիւնը չմնաց: Վերջը գիւղապետը ըս-  
պաննեց, զբամները շորթեց ու փախաւ ձեր կողմե-  
րը, այնտեղ անունը փոխեց և ինքզինքը Աղթամա-  
րի վանքէն արեղայ ձևացնելով քահանայ եղաւ: Հի-  
մա ալ սկսած է կախարդութիւններով ժողովուրդը  
խաբել: Այնպէս չէ՞

Այս խօսքերը լսելով, ես բոլորովին ապշեցայ:

Տէր հայրը, ուժով մը քիթը խնջելէն վերջ,  
աւելցուց.

— Ախ, եթէ անգամ մը ձեռքս անցնէր այն  
աւազակը...

— Ի՞նչ կ'ընէիր, հարցուցի ես խնդալով:

— Ի՞նչ պիտի ընէի իր ողորմած հոգի հօրը  
քով կը դրկէի....:

«Խենդ-տէրտէր»ին խօսքերը անգամ մըն ալ  
աչքիս առջև բերին ամբողջ եօթը տարի քաշած տան-  
ջանքներս ու կարծես թէ մէջքիս ու կունակիս ու-  
կորները ցաւիլ սկսան:



ՄԱՆԿԱԿԱՆ ԳՐԱԴԱՐԱՆ

Ամիսը երկու գիրք կը հրատարակուին՝ ամսոյ 15ին և 30ին:

ԼՈՅՍ ՏԵՍԱԾ ԵՆ ԱՌԱՋԻՆ ՎԵՅՄԱՄՍԵՍԻՆ.

- |  |                               |
|--|-------------------------------|
| Թիւ 1) Հինգ պատմուածքներ՝                    | Յովհ. Թումանեան եւ Ղ. Աղայեան |
| Թիւ 2) Սասունցի Դաւիթ՝                       | Յովհ. Թումանեան               |
| Թիւ 3) Մըջիւնները՝                           | Խ. Գաբրիէլեան                 |
| Թիւ 4) Լուսերեսն ու Վարդերեսը                | Կրիմ Եղբայրներ                |
| Սագարած Աղջիկը                               | « «                           |
| Գերին եւ Արիւծը                              | Ա. Չիլինկարեան                |
| Թիւ 5) Ուրախ Հնակարկատը                      | Յովհ. Թումանեան               |
| Ոսկիէ աղջիկը                                 | Գերմաներէնէ                   |
| Թիւ 6) Մօրը համար                            | Էտմ. Տ'Ամիչիս                 |
| Թիւ 7) Իչու մը յիշատակարանը                  | Կոմսուհի Սէկիւր               |
| Փոքրիկ լրտեսը                                | Էտմ. Տ'Ամիչիս                 |
| Թիւ 8) Արեգնազան                             | Ղ. Աղայեան                    |
| Թիւ 9) Երեք պատմուածքներ                     | Կրիմ Եղբայրներ                |
| Թիւ 10) Մէկ օրուան թագաւոր                   | Հազար ու մէկ գիշերներ         |
| Թիւ 11) Երեք պատմուածքներ                    | Կրիմ Եղբայրներ                |
| Թիւ 12) Ինչո՞ւ համար է ծաղիկը եւ Գերի արծիւը | Ն. Սարգսեան                   |

Համագումար 400 էջ, պատկերազարդ:

Վեցամսեայ բաժնեգին, 110 լէյ, 80 Լէվա, 1 Տոլար, 15 Ֆրանս.

Ֆրանք:

Տարածեցէ՛ք մանկական գրադարանը,

Բաժանորդագրեցէ՛ք ձեր զաւակները:



13441

# „ՄԱՍԻՍ“ Ի

ԱՐՏԱՍՍՀՄԱՆԻ

ԳՈՐԾԱԿԱԼՈՒԹԻՒՆՆԵՐԷ

Ա. ԱՐՏԱՍՍՀՄԱՆԻ ԸՆԴՀ. ԳՈՐԾԱԿԱԼՈՒԹԻՒՆ՝ «ՎԷՄ», 13 Rue des Plantes Plessis Robinson Seine, Paris

## ԱՆՈՐ ԵՆԹԱԿԱՅ ԳՈՐԾԱԿԱԼՈՒԹԻՒՆՆԵՐ

- |                 |                 |                                     |
|-----------------|-----------------|-------------------------------------|
| 1) ԿԻՊՐՈՍ՝      | Պ. Յ. Մահոյսեան | Nicosia, Arastast, No. 71           |
| 2) ԵԴՈՎՊԻԱ՝     | » Հ. Պուրալեան  | Hirna                               |
| 3) ՊԱՂԵՍՏԻՆ՝    | » Վ. Կէտիկեան   | Ierusalem, Haret el Nsare           |
| 4) ԻՐԱՔ՝        | » Մ. Սոսոյեան   | Baghdad, South gate, Bataveen) 27/1 |
| 5) ԱԲՍԴԱՆ՝      | » Ա. Յակոբեան   | P. O. Box 22                        |
| 6) ԹԱՒՐԻՉ՝      | » Խ. Մելքոնեան  |                                     |
| 7) ՆՈՐ ԶՈՒՂԱ՝   | » Թ. Թաղէսեան   | (Ecole Arménienne)                  |
| 8) ԹԷՂՐԵՆ՝      | » Ե. Իշխանեան   | Red. „Alik“                         |
| 9) ԴԱՄՈՍԿՈՍ՝    | » Ս. Պոյաճեան   | B. P. 321                           |
| 10) ԳԱՀԻՐԷ՝     | » Գ. Մխիթարեան  | B. P. 868                           |
| 11) ՀՍԼԷՊ՝      | » Յ. Կոնյայեան  | Hamam el-Telle                      |
| 12) ՄԱՐՍԷՅԼ՝    | » Ն. Կապոսեան   | Rue Nationale, No. 49               |
| 13) ՓԱՐԻՉ՝      | » „ՎԷՄ“         |                                     |
| 14) ՊՈՒ. ԿՅՐԷՍ՝ | » „ԱՐՄԷՆԻԱ“     | Canning, 1087                       |

## ՄԱՍՆԱԻՈՐ ԳՈՐԾԱԿԱԼՈՒԹԻՒՆՆԵՐ

- |              |                 |                          |
|--------------|-----------------|--------------------------|
| 1) ՍՕՅԻԱ՝    | Պ. Գ. Հալաճեան  | B. P. 444                |
| 2) ՌՈՒՍՃՈՒՔ՝ | » Օն. Զարմուշի  | Ecoles Armeniennes       |
| 3) ՊՈՒՐԿՍՉ՝  | » Մ. Թովմասեան  | Bul. Ferdinandova, No. 3 |
| 4) ՓԼՈՎՏԻՎ՝  | » ՄԿ Կարապետեան |                          |

## Գ. ՅՈՒՆԱՍՏԱՆ

- |              |            |                  |
|--------------|------------|------------------|
| 1) ԱԹԷՆՔ՝    | » Նոր Օր՝  | 20 A. Rue Vouli  |
| 2) ՍԵԼՎԵՆԻԿ՝ | » Հորիզոն՝ | Rue Franguini, 2 |

## Գ. ՀԻԻՍ. ԱՄԵՐԻԿԱ

- |            |             |                   |
|------------|-------------|-------------------|
| 1) ՊՈՍՏՈՆ՝ | » Հայրենիք՝ | 13—15 Shawmut St. |
|------------|-------------|-------------------|